

黃氏逸書考



黃氏通考



故終有凶矣

集解 窺餘引上應在三三動體吳吳爲號

象曰无號之凶終不可長也

陰道消滅故不可長也

集解

姤

姤女壯

消卦也與復旁通吳長女女壯傷也陰傷

陽柔消剛故女壯也

集解

勿用取女

陰息剝陽以柔變剛故勿用取女不可與

長也

集解

后以施命誥四方

后繼體之君姤陰在下故稱后與泰稱后同義也乾爲施巽爲命爲誥復震二月東方姤五月南方巽八月西方復十一月北方皆總在初故以誥四方也孔子行夏之時經用周家之月夫子傳彖象以下皆用夏家月是故復爲十一月姤爲五月矣

集解 象旨引震東姤南巽西復北皆總在初

初六繫于金柅貞吉

柅謂二也巽爲繩故繫柅乾爲金巽木入金柅之象也初四失正易位乃吉故貞吉

矣

集解

有攸往見凶羸豕孚蹢躅

以陰消陽往謂成坤遯子弑父否臣弑君
夬時三動離爲見故有攸往見凶矣三夬
之四在夬動而體坎坎爲豕爲孚巽繩操
之故稱羸也巽爲舞爲進退操而舞故羸
豕孚蹢躅以喻姤女望於五陽如豕蹢躅

周易卷之九

補刊

也集解

象曰繫于金柅柔道牽也

陰道柔巽為繩牽於二也

集解

九二包有魚无咎不利賓

巽為白茅在中稱包詩云白茅包之

案釋文引

詩包作苞魚謂初陰巽為魚二雖失位陰陽相

承故包有魚无咎賓謂四乾尊稱賓二據

四應故不利賓或以包為庖厨也

集解

要節引義故虞仲翔引白茅包之為證

九三臀无膚其行次且厲无大咎

夬時動之坎爲臀艮爲膚二折艮體故臀
无膚復震爲行其象不正故其行次且三
得正位雖則危厲故无大咎矣

集解

象曰其行次且行未牽也

在夬失位故牽羊在姤得正故未牽也

集解

九五以杞苞瓜含章

玩辭云苞字與子夏本同

杞杞柳本名也吳爲杞爲苞乾圓稱瓜故
以杞苞瓜矣含章謂五也五欲使初四易

位以陰含陽已得乘之故曰含章初之四

體兌口故稱含也

集解

有隕自天

隕落也乾爲天謂四隕之初初上承五故

有隕自天矣

集解

象曰九五含章中正也有隕自天志不舍命也

與爲命也欲初之四承已故不舍命矣

集解

上九姤其角吝无咎

乾為首位在首上故稱角動而得正故无

咎

集解

萃

萃

釋文云无亨字

王假有廟

象旨萃有二亨馬鄭陸績虞翻作衍文

觀上之四也觀乾為王假至也艮為廟體

觀享祀上之四故假有廟致孝享矣

集解

利見大人亨利貞

大人謂五三四失位利之正變成離離為

見故利見大人亨利貞聚以正也

集解

用大牲吉利有攸往

坤爲牛故曰大牲四之三坤得正故用大牲吉三往之四故利有攸往順天命也

集解

致孝享也

享享祀也五至初有觀象謂享坤牛故致

孝享矣

集解

利見大人亨聚以正也

坤爲聚坤三之四故聚以正也

集解

用大牲吉利有攸往順天命也

坤爲順巽爲命三往之四故順天命也

集解

觀其所聚而天地萬物之情可見矣

三四易位成離坎坎月離日日以見天月

以見地故天地之情可見矣與大壯咸恒

同義也

集解

君子以除戎器戒不虞

君子謂五除脩戎兵也詩曰脩爾車馬弓

矢戎兵陽在三四爲脩坤爲器三四之正

離爲戎兵甲冑飛矢坎爲弓弧巽爲繩艮
爲石謂敕甲冑鍛厲矛矢故除戎器也坎
爲寇坤爲亂故戒不虞也

集解
王
餘引
君取虞義爲說

初六有孚不終乃亂乃萃

孚謂五也初四易位五坎中故有孚失正
當變坤爲終故不終萃聚也坤爲亂爲聚
故乃亂乃萃失位不變則相聚爲亂故象

曰其志亂也

集解

若號一握爲笑勿恤往无咎

巽爲號艮爲手初稱一故一握初動成震
震爲笑四動成坎坎爲恤故若號一握爲
笑勿恤初之四得正故往无咎矣集解號號

令

晁氏

象曰乃亂乃萃其志亂也

坎爲志初

案初下疑有不字

之四其志亂也

集解

六二引吉无咎

應巽爲繩艮爲手故引吉得正應五故无

咎利引四之初使避己己得之五也

集解

孚乃利用禴

孚謂五禴夏祭也體觀象故利用禴四之
三故用大牲離爲夏故禴祭詩曰禴四之

嘗是其義

集解

象曰引吉无咎中未變也

二得正故不變也

集解

六三萃如嗟如无攸利往无咎小吝

坤爲萃故萃如巽爲號故嗟如失正故无

攸利動得位故往无咎小吝謂往之四

集解

象曰往无咎上巽也

動之四故上巽

集解

九四大吉无咎象曰大吉无咎位不當也

以陽居陰故位不當動而得正承五應初

故大吉而无咎矣

集解

義

海撮要

九五萃有位无咎匪孚元永貞悔亡

得位居中故有位无咎匪孚謂四也四變

之正則五體皆正故元永貞與比象同義

四動之初故悔亡

集解

象曰萃有位志未光也

陽在坎中故志未光與屯五同義

集解

上六齋資涕洟无咎

象旨吝虞翻作資

齋持資賻也貨財喪稱賻自目曰涕自鼻
稱洟坤爲財巽爲進故齋資也三之四體
離坎艮爲鼻涕淚流鼻曰故涕洟得位應
三故无咎上體大過死象故有齋資涕洟

之哀

集解 晁氏引首句

象曰齋資涕洟未安上也

乘剛遠應故未安上也

集解

升

升元亨

臨初之三又有臨象剛中而應故元亨也

集解

用見大人勿恤

謂二當之五爲大人離爲見坎爲恤二之

五得正故用見大人勿恤有慶也

集解

南征吉